



Presentouse *Cabana de Balieiros*, unha Banda Debuxada do autor Tokio (Alfredo López Fernández), na Aula de Cultura Ponte de Rosas, sede do Instituto de Estudos Miñoranos. A obra nos achega ao enfrontamento entre costumes sociais e relixiosos, aferrados á tradición popular e aos mitos ancestrais, simbolizados na vida dunha daquelas vilas mariñeiras. A presentación do libro estivo a cargo do humorista gráfico Pepe Carreiro quen salientou a converxencia de técnicas de debuxo "expresionista", descritivo e analítico do autor, ademais dunha historia onde se mestura a acción, cos paisaxes propios da vida cotiá dunha vila mariñeira galega. Pola súa banda, Tokio informou que a súa historia levaba case quince anos dando voltas ata que hai dous anos a Editorial Demo animoullo a publicarl-la.

O relato.

Cabana de Balieiros é unha vila desas que agochan segredos. Moitos deles son misterios que levan e traen as mareas. Algúns afúndense no mar, e outros saen á superficie cando ninguén o espera. Un novo párroco chega á vila, e atópase cunha igrexa abandonada e un mundo que lle descubrirá as historias que fermentan na terra, fillas do salvaxe vento que trae o mar. Unha terra de costumes ancestrais, onde os máis puros instintos humanos xeran o ritmo da vida e marcan o propio destino dos seus habitantes, e levan algúns ao naufraxio da súa propia alma.

Tokio presentou a banda debuxada Cabana de Balieiros na Aula de Cultura Ponte de Rosas.

Escrito por Redaccion @valminorinfo
Xoves, 13 Outubro 2011 22:16

O autor.

Tokio é un dos debuxantes pioneiros da BD galega durante os anos oitenta, daquela comezou publicando nos fanzines de Vigo (*Castrellis*, *Katarsis*, *Coyote*), despois publicou humor gráfico na *Peneira*, *Faro de Vigo*, *El*

Correo Gallego

e

A Nosa Terra

. Traballou como ilustrador científico e como biólogo mariño, actividade que aínda desenvolve.

Agora volve á novena arte cunha obra editada por Demo Editorial:

Cabana de Balieiros

unha obra de intriga ambientada nunha vila mariñeira de finais do século XIX.

{youtube}uw3mrMK-Y2w&feature=player_embedded{/youtube}